



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022

Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia



AMANAT REKTOR UiTM CAWANGAN PERLIS AKHIRI MDS SESI OKTOBER 2022



Oleh:
Eliy Nazira Mat Nazir

ARAU, 7 Oktober 2022 - Rektor UiTM Cawangan Perlis, Prof Madya Ts. Dr. Shukor Sanim Mohd Fauzi merasmikan Majlis Penutup Minggu Destini Siswa Sesi Oktober 2022 di Dewan Seri Semarak, UiTM Cawangan Perlis hari ini.

Majlis yang melibatkan seramai 2400 pelajar baharu ini dimulakan dengan bacaan doa, ucapan Yang Di-Pertua Majlis Perwakilan Pelajar diikuti Amanat Rektor serta Perasmian Penutup MDS UiTM Cawangan Perlis.

Dalam ucapannya, Rektor mengucapkan tahniah kepada semua pelajar baharu yang berjaya melanjutkan pelajaran ke UiTM Cawangan Perlis. Rektor juga telah menyampaikan beberapa amanat kepada para pelajar.

Antara yang ditekankan adalah perkara mengenai ADAB. Para pelajar dinasihatkan untuk menjaga adab terutamanya terhadap pensyarah bagi mendapat keberkatan

dalam menuntut ilmu. Beliau juga berpesan agar para pelajar sentiasa menjaga imej dan nama baik universiti dan mengelakkan diri dari terlibat dalam mana-mana aktiviti yang boleh membawa kepada kesalahan tatatertib.

Menurut beliau lagi, pensyarah perlu mendalami watak pelajar yang merupakan dari generasi-Z. Rektor juga berharap agar semua pelajar menggunakan peluang sebaiknya dan fokus kepada pelajaran agar dapat tamat dengan jayanya mengikut tempoh yang ditetapkan (GOT).

Majlis turut diserikan lagi dengan alunan bacaan ayat suci Al-Quran serta bacaan ikrar pelajar oleh 2400 orang pelajar MDS yang turut bersiaran secara langsung di Dewan Cengal, Dewan Kuliah 4,5, 6 dan 7 dan nyanyian lagu UiTM.

Turut hadir memeriahkan majlis tersebut ialah Ts. Gs. Dr. Ernieza Suhana Mokhtar, Timbalan Rektor PJIMA, Encik Fahizan

Hamid, Timbalan Ketua Pustakawan serta beberapa Ketua Unit dan staf Bahagian HEP.

